

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
OPĆINA CENTAR SARAJEVO
Općinski načelnik



Bosnia and Herzegovina
Federation of Bosnia and
Herzegovina
Canton Sarajevo
City of Sarajevo
CENTAR MUNICIPALITY
Municipal Mayor

Босна и Херцеговина
Федерација Босне и
Херцеговине
Кантон Сарајево
Град Сарајево
ОПШТИНА ЦЕНТАР САРАЈЕВО
Општински начелник

Broj: 10/E-11-10248/22-2

Sarajevo: 13-02-2023. godine

Na osnovu člana 69. stav (2) tačka d), člana 70. stav (1), (4) i (6) Zakona o javnim nabavkama BiH ("Službeni glasnik BiH", broj 39/14 i 59/22) u daljem tekstu: Zakon, člana 69. Statuta Općine Centar Sarajevo – Prečišćeni tekst ("Službene novine Kantona Sarajevo", broj 23/04), na prijedlog Komisije za nabavku roba, usluga i radova I, imenovana rješenjem Općinskog načelnika broj: 10-45-1838/22 od 22.02.2022. godine, broj: 10-45-1838/22-1 od 24.03.2022. godine i broj: 10-45-1838-2/22 od 08.11.2022. godine, (u daljem tekstu: Komisija I), u postupku javne nabavke za izvođenje radova na investiciono-tehničkom održavanju stepeništa, javnih staza i ograda na području Općine Centar Sarajevo, za **LOT 2** – područje mjesnih zajednica: Mejtaš-Bjelave, Bardakčije, Hrastovi-Mrkovići, Džidžikovac-Koševo I, Breka (Zapisnik o pregledu i ocjeni ponuda broj: 10/E-11-10248/22-2 od 08-02-2023. godine), Općinski načelnik d o n o s i

O D L U K U

o poništenju postupka javne nabavke

I Poništava se postupak javne nabavke za izvođenje radova na investiciono-tehničkom održavanju stepeništa, javnih staza i ograda na području Općine Centar Sarajevo, za **LOT 2** – područje mjesnih zajednica: Mejtaš-Bjelave, Bardakčije, Hrastovi-Mrkovići, Džidžikovac-Koševo I, Breka, Obavještenje o nabavci broj: 848-1-3-14-3-7/23 od 10.01.2023. godine, iz razloga što je primljena ponuda neprihvatljiva.

II Ova Odluka se dostavlja ponuđaču koji je učestvovao u postupku javne nabavke u roku od sedam dana, shodno članu 70. stav (2) i članu 71. stav (2) Zakona o javnim nabavkama.

III Odluka će se objaviti na web stranici Općine Centar Sarajevo (www.centar.ba) u skladu sa članom 70. stav (6) Zakona o javnim nabavkama.

O b r a z l o Ź e n j e

Postupak za javnu nabavku za izvođenje radova na investiciono-tehničkom održavanju stepeništa, javnih staza i ograda na području Općine Centar Sarajevo, putem otvorenog postupka, pokrenut je Posebnom odlukom Općinskog načelnika o pokretanju postupka javne nabavke putem otvorenog postupka, broj: 10/E-11-10248/22 od 28.12.2022. godine.

Postupak javne nabavke je podijeljen na lotove i to:

LOT 1 – područje mjesnih zajednica: Soukbunar, Skenderija-Podtekija, Trg oslobođenja-Centar, Marijin Dvor, Crni Vrh-Gorica, Ciglane

LOT 2 – područje mjesnih zajednica: Mejtaš-Bjelave, Bardakčije, Hrastovi-Mrkovići, Džidžikovac-Koševo I, Breka

LOT 3 – područje mjesnih zajednica: Park-Višnjik, Koševo II, Pionirska dolina, Nahorevo

LOT 4 – područje mjesnih zajednica: Koševsko brdo, Donji Velešići, Betanija, Šip.

Obavještenje o nabavci broj: 848-1-3-14-3-7/23 objavljeno je dana 10.01.2023. godine na Portalu javnih nabavki, a Sažetak Obavještenje o nabavci objavljen je u „Službenom glasniku BiH“ broj 5/23.

Procijenjena vrijednost javne nabavke bez PDV-a iznosi 3.094.017,08 KM, za cijeli period trajanja Okvirnog sporazuma, a za LOT 2 iznosi 773.504,27 KM.

U roku za predaju ponuda koji je određen tenderskom dokumentacijom (31.01.2023. godine do 12:00 sati), na adresu Ugovornog organa dostavljena je ponuda ponuđača: „FLEX INVEST“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda, o čemu je sačinjen Zapisnik o otvaranju ponuda broj: 10/E-11-10248/22 od 31.01.2023. godine, uručen predstavnicima ponuđača koji su prisustvovali javnom otvaranju ponuda.

Nakon izvršenog javnog otvaranja ponuda, na zatvorenom sastanku Komisija I je pristupila detaljnom pregledu i analizi dokumentacije priložene uz dostavljenu ponudu u smislu provjere njene potpunosti, prihvatljivosti i ispravnosti, kao i usklađenosti sa zahtjevima Ugovornog organa iskazanim u tenderskoj dokumentaciji.

Tom prilikom Komisija I je ustanovila da ponuđač „FLEX INVEST“ d.o.o. Sarajevo ne ispunjava uslove za kvalifikaciju, iz razloga što ponuđač nije u ponudi dostavio izjave iz tačke 7.3. i tačke 7.4. tenderske dokumentacije, kojim se dokazuje kvalifikovanost ponuđača za nabavku.

Sastavni dio tenderske dokumentacije su izjave kojima ponuđači dokazuju ličnu, tehničku i profesionalnu i ekonomsku sposobnost. S tim u vezi ponuđači su dužni ispoštovati sve što se traži u tenderskoj dokumentaciji, što je neminovno ukoliko žele da njihova ponuda bude prihvaćena.

Shodno članu 47. Zakona o javnim nabavkama („Službeni glasnik BiH“, br. 39/14 i 59/22), u tački 7.3. EKONOMSKA I FINANSIJSKA SPOSOBNOST tenderske dokumentacije za predmetnu navedeno je da će ponuda biti odbačena ako ponuđač ne ispuni sljedeće uslove ekonomske i finansijske sposobnosti:

a) da je ponuđač u posljednje 3 (tri) godine računajući od dana podnošenja ponude ili od datuma registracije odnosno početka poslovanja, ako je ponuđač registrovan odnosno počeo sa radom prije manje od tri godine, kao izvođač ostvario promet na izvođenju radova na sanaciji, izgradnji i rekonstrukciji objekata niskogradnje u posljednje 3 (tri) finansijske godine u visini od najmanje 200.000,00 KM sa PDV-om za svaki lot pojedinačno.

Tačkom 7.3.2. tenderske dokumentacije definisano je da će se ocjena ekonomske i finansijske sposobnosti izvršiti na osnovu izjava na obrascu ponuđača o ukupno ostvarenom traženom prometu na izvođenju radova na sanaciji, izgradnji i rekonstrukciji objekata niskogradnje, u posljednje 3 (tri) finansijske godine u visini od najmanje 200.000,00 KM sa PDV-om za svaki lot pojedinačno.

U skladu sa članom 51. Zakona o javnim nabavkama („Službeni glasnik BiH“, br. 39/14 i 59/22), tačkom 7.4. TEHNIČKA I PROFESIONALNA SPOSOBNOST, podtačka 7.4.1. tenderske dokumentacije, između ostalog, definisano je da je ponuđač dužan ispuniti sljedeće uslove tehničke i profesionalne sposobnosti, i to:

b) angažman stručnog osoblja na poslovima izvođenja predmetnih radova

Napomena: Izvođač je dužan angažovati stručna lica sa određenim obrazovnim kvalifikacijama i potrebnim radnim iskustvom te položenim stručnim ispitom za izvođenje svih faza izvođenja radova, sve u skladu sa odredbama Zakona o prostornom uređenju Kantona Sarajevo („Službene novine Kantona Sarajevo“ broj 24/17 i 01/18) i odredbama Uredbe o uređenju gradilišta, obaveznoj dokumentaciji na gradilištu i sudionicima u građenju („Službene novine F BiH“ broj 25/22).

c) da prilikom izvođenja radova preduzima mjere za upravljanje zaštitom životne sredine.

Tačkom 7.4.2. tenderske dokumentacije, pod tačkom b) i c), definisano je da su u svrhu dokazivanja ispunjavanja uslova iz tačke 7.4.1. ponuđači dužni u ponudi dostaviti sljedeće pismene dokaze:

b) Izjava na obrascu ponuđača da će u skladu sa odredbama Zakona o prostornom uređenju Kantona Sarajevo ("Službene novine Kantona Sarajevo", broj 24/17 i 1/18) i odredbama o Uredbe o uređenju gradilišta, obaveznoj dokumentaciji na gradilištu i sudionicima u građenju ("Službene novine F BiH", broj 25/22), angažovati stručna lica sa određenim obrazovnim kvalifikacijama i potrebnim radnim iskustvom te položenim stručnim ispitom za izvođenje predmetnih radova. Izjava mora biti potpisana i opečaćena od strane ovlaštenog lica ponuđača.

Napomena: Ugovorni organ zadržava pravo provjere navedenih podataka koji se odnose na angažovana stručna lica.

c) Izjava navedena na obrascu/memorandumu ponuđača da prihvata preduzimanje mjera upravljanja zaštite sredine koje će primjenjivati prilikom izvođenja. Izjava mora biti potpisana od strane ovlaštene osobe i ovjerena pečatom ponuđača.

Članom 57. Zakona o javnim nabavkama („Službeni glasnik BiH“, br. 39/14 i 59/22) propisano je da se u postupku javne nabavke kandidat/ponuđač pridržava zahtjeva i uslova iz tenderske dokumentacije.

Članom 2. stav (1), tačka l) Zakona javnim nabavkama („Službeni glasnik BiH“, br. 39/14 i 59/22) propisano je da je ponuda dokument koji podnosi ponuđač, pri čemu isporuku robe, pružanje usluga ili izvođenje radova, pod uslovom koje određuje ugovorni organ u tenderskoj dokumentaciji.

Tačkom 2) navedenog stava propisano je da je neprihvatljiva ponuda čija cijena prelazi planirana, odnosno osiguranja novčana sredstva ugovornog organa za nabavku ili ponuda ponuđača koji ne ispunjava kriterije za kvalifikaciju privednog subjekta.

Uzevši u obzir činjenicu da ponuđač „FLEX INVEST“ d.o.o. Sarajevo nije u ponudi dostavio potpisanu i opečaćenu izjavu kojom dokazuje ispunjenost uslova ekonomske i finansijske sposobnosti iz tačke 7.3. tenderske dokumentacije, te potpisanu i opečaćenu izjavu kojom dokazuje ispunjenost uslova tehničke i profesionalne sposobnosti iz tačke 7.4., podtačka 7.4.1. pod b) i c), Komisija I nije mogla utvrditi da navedeni ponuđač ispunjava kriterije i zahtjeve kvalifikovanost kao privrednog subjekta za predmetu nabavku. Prednju činjenicu potvrđuje sadržaj ponude ponuđača „FLEX INVEST“ d.o.o. Sarajevo, naveden na strani 57 dostavljene ponude, sačinjen na memorandumu ponuđača, te uredno potpisan i opečaćen pečatom ponuđača.

Iz navedenih razloga, Komisija I je u skladu sa članom 68. Zakona o javnim nabavkama („Službeni glasnik BiH“, br. 39/14 i 59/22) i tačkom 7.3.1. tenderske dokumentacije odbacila ponudu ponuđača „FLEX INVEST“ d.o.o. Sarajevo, te istu isključila iz daljeg postupka evaluacije.

O navedenom je ponuđač „FLEX INVEST“ d.o.o. Sarajevo pismeno obaviješten dostavom dopisa broj: 10/E-11-10248/22 od 02.02.2023. godine.

Komisija I je sačinila Zapisnik o pregledu i ocjeni ponuda broj: 10/E-11-10248/22-2 od 08-02-2023 godine i donijela jednoglasnu odluku da Općinskom načelniku predloži donošenje odluke o poništenju postupka javne nabavke za izvođenje radova na investiciono-tehničkom održavanju stepeništa, javnih staza i ograda na području Općine Centar Sarajevo, za **LOT 2 – područje mjesnih zajednica: Mejtaš-Bjelave, Bardakčije, Hrastovi-Mrkovići, Džidžikovac-Koševo I, Breka**, na osnovu člana 69. stav (2) tačka d) Zakona o javnim nabavkama, obzirom da primljena ponuda nije prihvatljiva.

Općinski načelnik u postupku evaluacije nije našao razloge niti nepravilnosti u radu Komisije I koji bi eventualno bili osnov za neprihvatanje prijedloga Komisije, te je odlučeno kao u dispozitivu Odluke.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa, najkasnije u roku od 10 (deset) dana od dana prijema ove Odluke, shodno članu 101. Zakona o javnim nabavkama.

Naknada za pokretanje žalbenog postupka iznosi 5.000,00 KM u skladu sa članom 108. stav (1) tačka e) Zakona o javnim nabavkama.

Žalba se podnosi u dovoljnom broju primjeraka, a koji ne može biti manji od tri.



Prilog:

Zapisnik o pregledu i ocjeni ponuda

broj: 10/E-11-10248/22-2 od 08-02-2023. godine

DOSTAVITI:

1. Ponuđaču: „FLEX INVEST“ d.o.o. Sarajevo, ul. Vilsonovo šetalište broj 10, 71 000 Sarajevo
2. Službi za stambene i komunalne poslove
3. Kabinetu općinskog načelnika - Odsjek za javne nabavke
4. Službi za finansije
5. U spis